

Visoki predstavnik pozdravlja ujedinjenje fudbala u Bosni i Hercegovini

Visoki predstavnik, Wolfgang Petritsch, koristi ovu priliku da čestita svima koji su doprinijeli jučerašnjem uspješnom ujedinjenju fudbala u Bosni i Hercegovini. Visoki predstavnik se zahvaljuje UEFA i FIFA na stalnim naporima u proteklih pet godina u cilju ponovnog postizanja ujedinjenja nogometne zajednice Bosne i Hercegovine, te apelira na obje organizacije da nastave sa pružanjem podrške Bosni i Hercegovini. Ured visokog predstavnika sa zadovoljstvom podržava ove napore i očekuje nastavak saradnje sa obje organizacije.

Spajanje Fudbalskog saveza Republike Srpske i Nogometnog saveza Federacije Bosne i Hercegovine u Nogometni savez Bosne i Hercegovine okreće novu stranicu u historiji fudbala u Bosni i Hercegovini, koja će biti svjedokom povećanja standarda i, s vremenom, afirmacije Bosne i Hercegovine na evropskoj fudbalskoj sceni.

Novoosnovana liga od dvadeset timova sa cijelog područja zemlje će konačno omogućiti da se najbolji takmiče protiv najboljih. To je upravo ono što ljubitelji fudbala u Bosni i Hercegovini žele da gledaju.

Reintegracija fudbala u Bosni i Hercegovini putem Nogometnog saveza Bosne i Hercegovine predstavlja veliki doprinos zajedničkoj kandidaturi Bosne i Hercegovine i Republike Hrvatske za Evropsko fudbalsko prvenstvo 2008. godine. Visoki predstavnik želi Bosni i Hercegovini mnogo uspjeha u ovoj kandidaturi.